



ANNALES ECCLESIASTICI

JESU CRISTI
ANNUS
449.

LEONIS PAP.
ANNUS
10.

THEODOSII 42. IMP.
VALENTINIANI 25.

I.



UI ordine temporum sequitur annus Domini quadringentesimus undequingagesimus, Asterio atque Protogene Consulibus aperitur: quorum alterum, nempe Protogenem, Orientale dedit Imperium; Alterium vero vetus Roma promovit. Est mentio Asterii Consulatus apud Sidonium *Ann. Eccl. Tom. VIII.*

Apollinarem clarissimum virum, cum De Consulatu Asterii memoria. ^{(a) Sidon. l. 8. ep. 6.} hęc ad Nannatium scribit (a): *Asterius enim adolescens, atque adhuc puer ex puero, cum Pater meus Praefectus Praetorio Gallicanis tribunalibus praesideret, sub ejus videlicet magistratu Consul Asterius anni sui fores votivum trabeatus aperuerat. Adhuc sella curuli, & si non latens generositatis per ordinem, certe non sedens per aetatem; mixtus-*

PAGIUS ANNO PERIODI GRECO-ROMANÆ 5542.

SÆC. V.
Olymp.
397.
Anno Era
ræ Hæp.
CCCC.
LXXXVII.
A.C. 449.

© 10. B. 13. P. 27. Mart. Indict. 2.

JESU CRISTI 449.

LEONIS PAPÆ 10.

THEODOSII IMP. 48. & 42.

VALENTINIANI III. 25.

I.
Consules.

[1] COSS. Fl. Asturius, & Fl. Protogenes. Prior in Occidente creatus Kalendis Januarii in Gallia inivit Consulatum, ut liquet ex Epistola VI. Sidonii Apollinaris a Baronio num. I. recitata. In Diptycho Leodiensi legitur FL. ASTYRIVS. V. C. ET IVVL. COM. ET MAG. VTRIVSQ. MIL. CONS. ORD. Ubi observandum, Y pro V Veteres sæpe usurpasse. Hinc in Chronico Idacii, in quo non se-

mel hujus Consulis mentio, vocatur 'Asturius', & in Fastis Græcis Heraclii, Astyrius. Adhuc E & V aliquando alternant; indeque in inscriptione Reinesiana pag. 363. loco *Arsupis*, ponitur *Arespes*, & in variis subscriptionibus loco Asturii, scribitur Asterius. Em. Card. Norisius in Cenotaphis Pisani Dissert. IV. cap. 1. parag. 1. ostendit, Willelmum in Appendice ad Diptychon Leodiense male confudisse Fl. Asturium hoc anno Consullem cum Turcio Rusto Asterio anno CDXCIV. Consule ordinario. Fl. Protogenes, ut vocatur in Act. I. Concil. Chalced. pag. 236. in Oriente creatus, quia ibidem dicitur Fl. Protogene U. C. & qui fuerit nunciatus, Coss. sub die VI. Id. April. quia sc. Asturium in Occidente Consullem processisse, nondum Constantinopoli innotescebat. Inter Viros illustres, qui comitati sunt Marcianum Aug. quando ingressus est Synodum Chalcedonensem, memoratur gloriosissimus Expraefectus, & Exconsul, ac Patricius Protogenes, ut videre est pag. 575. ejusdem Synodi.

A num. I. ad IV. Epistola XCIV. Theodo-

reti

II.

NOTÆ

[1] COSS. Fl. Asturius & Fl. Protogenes. Relandus: Protogenes & Asterius. Fasti Idatii & Victor: Asturio & Protogene. Marcellinus: Protogene, & Asterio. Epistola S. Leonis Papæ ad Flavianum in vetustis Codicibus Ecclesiæ Veronensis, ut vidit Blanchinus: Asturio & Protogene VV. CC. Coss. Acta Concilii CPolitani II. mense Aprilis A. D. 449. Concil. tom. III. pag. 1470. Flavio Protogene viro clarissimo, & qui fuerit declaratus, consulibus. Nempe nondum CPolitatum fuerat nomen consulis occidentalis, qui erat Flavius Asturius. Prosper vulgatus: Asturio & Protogene. Prosper Vaticanus MS. Astyrio, & Protogene. Nonnulli inter recentiores Fastorum concinnatores habent: Fl. Protogenes, Fl. Asturius, aliis Turcius Secundus Asterius.